

N La Puo Phou *Khakeshüu*




N La Puo Phou Khakeshüü

Ukepenuopfüe Puo rhi nunu themia chüshü. Süla Themiae Ukepenuopfū ze kepekro di puo nou mene mu puo nou puo nei, tsiu puo mo nu rei shürho tsei di ba vor. Derei themiae phoumakewa yawi nu puoe puo Kepenuopfū ze kepekrokecüu pejüwa, puo nou kenei mu nouneu pejüwa, mu sidi nousuo nouzhie die chüta, kechükenyü puo mo gei nyita, sizokemo, puo mo nu, ruopfū nu mu kerheiro nu kerülei kejü chüta. Sükemhie keta thau nunu themiau rhalie di pejükewako pie puo vie chü lashü ketuo la teicie 2000 voketa ki u Chüürhikeshü Kepenuopfüe puo chü puo zie nunu penuo pie kijü hanu shü di Ihou vor, puo za Jisu. Kephouma kejü kelhou se di kephouma kijü hanu Ihou di rünako nu mu nadiko nu vo di themiako gei mhakavi chü. Puo miciemiako chüpevishü di uko bu mhangu lalie, nyievümia bu mhapfhe silie, keliehuomia bu diepu lalie, mpamia bu vi mesa lalie, terhokesuo



bu u kebei ze ketuoko shüphrashü mu
dieliekeviu pie ketsopfhümiako pethashü.

Thezieu se mo di kejo
kemou vachelie jüta zo.
Thezho-u nu thezieu pie
u ruopfü ruotho ruorie
chükelie pushü, süla u
Niepu Jisue themianuounuo
pete la pephi pedou
sei geinu siashütuoü
Puo pepilie. Rommia
rupfhünuokoe doneiü chü
di Puo pechüpenyü, zohou
kechie pie Puo tsüre chüshü, kethe pie Puo vü mu
kero pie Puo rha. Sikewa sie krus geinu Puo gouwa
- gojal pie se Puo gei zhiedi.



Niepu Jisue kephouma si ma,
kephouma chümo mu Puo gei
kephouma tuo mo, u kejo
kemouko la Puo bu rüzalie
ukerüzhüko la Puo vümvüshü.


Kephouma zhakhrau Puo thuo pfhülie di
noune khashü. Kephouma zhakhrae
kesia zo. Themiae puo kephouma
zhakhra ngulie ketuou Niepu Jisu thuo
pfhülie di krus geinu sia wate.

“Derei Ukepenuopfüe u khriekecü süüsü we phouma ketuo nunu Khristae u la siawate” (Rom 5:8). Niepu Jisue Krus se chükecü rübei mo derei Puo thuo pedzü pukeshütuo i kesia mu mizie mho kuolie di zha se nhie rheilasiete. Rhei sieketaue teiko mho siete mu Puoe thie ketso u la rheituo ta zo.


Kekhrie kezemiako, nie Jisu mezhioko le medokeshü sie n nou kekhrü kereu zeügenä zo tuo we. Mhanuü noe n mhidzü pekrü zo di Niepuu bu n kejo kemouko vashü nu chalie liro Puoe süko vashü di, noune, kenei mu kerülei pie n tsü zo tuo.

“Puo Nuou Jisu Khrista ziee u kephouma kheko nunu u chükemesalieya, mhanuü we u kephoumako phraskülie liro, Puoe dietho mezhü di u kephoumako vapie u tsü zo tuo” (Johan Kerieu 1:7-9).

Jisu Khrista Krus geinu sia keshüe u kephoumako



la rübei mo derei u kechükenyüko la rei sa we. “Puo thuo u chünyüko pfüliete” (Mt 8:17). “Puo gei kevüpfüko la we shüholie” (Isaya 53:5).



Themia kephoumako la rüse vorta mu rüse la kechükenyü themia gei vorta. Niepu Jisue krus geinu u chünyüko pfu phreliete. Mhanuü Puo kevüpfüko la we shürholieyaü liro kechükenyüko nunu shüphra tsikelie ngulie vi zo.



Kekhrie kezeko, Niepu Jisue, u la Puo phou khashü mu u la rherei tuota ükecü peleya liro no Puo zieu geinu n kephoumako mu n

kechükenyüko nunu shüphrakelie ngu lievi. Jisu Khristae n khrie n ngumehzie phi di' n bu kemesa kelhou se teigei volie nu di n kieya.

Mhanuü Jisu Khrista seu geinu theja kevi kebako ngulienyü ü liro hamhie di kechachülie cie:

*."Niepu Jisu, No a kephoumako la Kelvari
Krus gei N kelhou khakeshü peleya. A
kephoumako vashü a tsü cie. N zie nunu a
chükemesa mu a chüpevishü
cü mu. A N pie a Kelakelieu
mu a Kepenuopfü chüliete.
Thieyawi nu N nuo chü di
lhouta tuolie. Amen".*

